

The Pastor

Cherangre Mondoli.

Subject: Update from Laos.

Tanggipa Gitel Jisuni bimungo salam. Na`a aro nang`ni nokdang namenga ine bebera`a aro karimskarangka. Na`simangni Kristoo Isolna dangdikani mamung saloba ong`ramaija aro chingaba iano bak rengsi man`pae namen kusi ong`a. Chingaba namenga aro gimikni gitan an`sengenga. Chingni jikse ong`e Lao a`songona re`baani ja 8 gapaha aro ia jarango Isolni ka`saaniko aro pattianiko bang`en nikaha. Chingni saksan ong`e, aro team gita kam ka`anirango biterangko nikroronagita man`aha aro gitalgipa levelo kam ka`na ja`ku de`na gitaba man`aha. Ia pilaknan Isolko mitela aro na`simangni contributionko chinga gualja.

Iano chinga toktok dake adita chingni janggi tanganio ong`enggipa kamrangko janapatenga.

Ku`sik skie ra`ani: Ang mande (Azeena) bini ku`sik skie ra`a term ge 2 ja dokni gisepo matchotaha. Skanggipa bilsiode Azeena na mamung kamko on`gija ku`sik skie ra`anio focus ka`na cholko on`enga. Aro ku`sik agana man`anio namen nambataha. Ua konta 150-ko matchotaha indiba teamni niam gita bilsa sao konta 200 matchotna nangani gimin da`o re`baenggipa jarango poraidapkugen. Un baksana November jao ua skie ra`anio badita tang`doaha uko teamni gita test ka`gen. Angaba ku`sik skie ra`aniko dakkuenga indiba an`tang noko ki`tap poraie skie ra`enga. Re`anggipa June jao language test dakanio anga nanggipa levelko altuen clear ka`na man`aha. Iana Isolko mitela.

English skiani: Anga ia bilsa jadokna government hospital doctor aro nurse-rangna English skiaha. Ia gital term onide hospitalo aro chingni centre-oba skiengaha. Indaken namen jakchakjabatjok. Ia skie on`anichi studentrang aro uamangni nokdangni manderang baksa relationship build ka`na cholrangko man`enga. Aro Kristi@n bebera`ani gimin sing`anirangna agana cholko man`enga.

Team gita dangdikani: Chingni teamo sak 12 da`ode donga. Jikse jora 5 aro sakgni single me`chikrang. Chingni teamni gita da`o kam ka`aninde Language center chalaie, ge 5 center-ni wilwilalao donggipa songrango focus ka`e kamko ka`enga. Ia jani skanggipa antio, chingni team-ni annual conference Thailand-o ong`angaha aro gital gipa miksonganirang baksa kamko ka`na a`bachengengaha. Gital ge 3 jatrango base bi`nagita a`bachengengaha. Meetingo member sakantian an`tangtangni miksonganirangko aro survey aro research-rangko talataha aro bilsa 4ni gisepo area dingtang dingtangchi jitna tariengjok. Chingaba apsan dake reportko on`aha. Una agreba anga da`o chingni branch-ni Deputy Leader ong`e kam`ko ka`enga. Team nigita minggipin program-ara anti changsa gipao 3 Days Summer Campko chingni centerni wilwilo donggipa bi`sarangna ong`ataha aro sal 3 joljol anga golporangko aganagita cholko man`aha.

Mikkang bilsini plan: Ia bilsa ia a`songni skotong songjinmao donge kamko ka`enga. Indiba mikkang bilside *Xiengkhoang province* (about 400 km from capital) chi re`angna

am`engaha. April 2019 o chingni annual meeting matchote jitna team baksa chanchiengaha aro ia September jao MoU soi ka`gnok. Chinga uchi re`ange coffee business dakgen ba visa golmal dongode English teacher gita re`angtaigen. Chingni focus ka`gipa jat Lao Phuan. Ia bilsa September jao visit ka`angna tarienga.

Chingko bi`anio gisik ra`bo.

Mitelanirang:

1. Chinga be`en an`senge dongenga. Da`o dipet mamung saa ding`a dongja.
2. Plak miksonga kamrango ka`sinsin chu`sokanirangko nikenga.
3. Isol chingni plak nangarangko on`enga.
4. Gital supporter-rangko (Cherangre aro Baghmara mondoli) man`anina mitela.
5. Azeena oko donga ja 4 batangengjok aro da`o dipetde namenga.
6. Chingni 3 days summer camp mikka waoba namen matchotaha.

Bi`anirang:

1. Ku`sik skie ra`anio nambatroroanina bi`bo. Local manderang baksa agangrikna choligipa leveled chu`ongja indiba disciplish!p dakna choligipa levelko nanga.
2. Plak nanganirangko pattianina aro be`enni an`seng baljokanina bi`bo.
3. Capitalo kam ka`ani aro je gital jat ge 3 ko (Kattang southern; Phunoy; Giay) baseahachim ia jatangna kam ka`na chu`ongagita Isolni ragiparangko watatanina bi`bo.
4. Teamni gita bang`a tarina nanganirang aro namdapna nanganirang donga. Team work namdapanina bi`bo.
5. Chingni mikkang bilsini plan-XiengKhoang province-chi jitanganina jedakode mamung champenganirang dongjawa.

Ia pilakko janapengon, Isolni ka`saani plak kamrango aro janggi tanganio chu`sokaniko on`enga ine agana namnika. Isol ching baksa ong`a aro ong`angkugen aro na`simangni simsakanina aro dakchakanina na`simangko namen mitela. Isol na`simang sakantina pattiskachina.

Chingnang Ch Marak
Vientiane, Lao PDR
Phone: +856-20-55024041